



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Septem Illvstrivm Virorum Poemata**

**Cesarini, Virginio**

**Antverpiae, 1662**

Ad Flavivm Card. Chisivm.

**urn:nbn:de:hbz:466:1-7990**

Diuini ingenij quæ tu vestigia signas,  
 Assiduè relegens, memori sub mente recondam:  
 Discam aptis si fortè olim tibi soluere grates  
 Vocibus, & tua conari, PATER, aurea dicta,  
 Aurea, perpetuâ semper dignissima vitâ:  
 Deq; tuis tibi dona feram te digna, supremi  
 Vt facimus sacras humiles ad Numinis aras.

A D

F L A V I V M  
 C A R D . C H I S I V M .

**T**V quoque supremo Patrui de sidere sidus  
 (Cynthia fraternis clara velut radijs)  
 Me tenui grates dicentem carmine, lætis  
 Aspectas, Princeps inclyte, luminibus:  
 Cuius in exortu toto lux aurea celo  
 Emicat, & campos lapsa per ætherios  
 Diditur, & pulsâ caligine protinus imas  
 Vndique iam terras conserit, & maria.  
 Sed tua purpureo vestitur lumine Roma  
 Largiùs, eximio & munere perfruitur:  
 Teq; suum decus, & lenimen dulce laborum  
 Suspicit, & duro in tempore præsidium,

Cum

APOLLONII FLORENTIS. II

Cum scelerata lues miseram, & mendacia messis,  
Ah miseram, crebris mortibus horrificant:  
Nec cessare sinit trepidam discordia Regum  
Vicina, armorum terribili sonitu.  
Ut patrio exiliens armata è vertice Pallas  
Infensos caelo terrigenas domuit,  
Pectore de sacro magni haud secus ipse Parentis  
Diuino existis viuudus ingenio.  
Continuoq; feras acies, atque horrida fundis  
Faucibus eructata agmina Tanarijs:  
Perq; Urbem, & Latium Diras sine more furentes  
Ad nigra precipites Tartara victor agis.  
Quaq; triumphantem volucris fert gloria, vinctum  
Auro & fronde simul tempora multiplici,  
Ignis ut in caelo cum se nouus exerit, in te  
Mentes quisque, auidos conijcit atque oculos.  
Surgere Ledaum vestris de montibus astrum  
Iam videt in medijs fluctibus Italia;  
Transq; Alpes procùl aërias, transq; aquora, leto  
Iactata, heu, gentes omine suspiciunt.  
Iam fœdas sperant hiemes, caliq; tumultus  
Deseruisse, animas & posuisse truces.  
Tempora iam compleisse canunt infesta sorores,  
Staminaq; auratis ducere velleribus:

Cum

Egregium

Egregium euerso tandem succurrere saclo  
 Demissum niueis alitibus iuuenem.  
 Hunc, patrios fulgere lares dum stemmate longo  
 Præclaris atauum cernit imaginibus,  
 Discere virtutem in teneris, verumq; laborem  
 Cæpisse, & magnos reddere Chisiadas:  
 Et cum vix molli primùm pubesceret æuo,  
 Intrepido fortes corde gerentem animos,  
 Vnigenam cara amplexus genitricis, & vda  
 Fugisse immotum lumina lacrymulis,  
 Misso ut Hyperboreas magnis de rebus in oras  
 Adderet ingenti se comitem Patruo:  
 Perq; niues celerem, perq; horrida saxa secutus  
 Curreret, ad superos quæ via pandit iter.  
 Et nunc, quod virtus olim sua, festaq; votis  
 Poscebant rebus tempora flebilibus,  
 Ille sedet regnans solio sublimis in aureo,  
 Iuraq; seruatis mitia dat populis:  
 Tuq; hoc iam pridem sapere, & regnare magistro  
 Doctus, in imperij parte locatus ades:  
 Quicum partiri graue pondus, cui velit altum  
 Pectus ALEXANDER credere, & ingenium.  
 Ille adèò te, sacra feras qui iussa per orbem,  
 Pollentem eloquio mittet Atlantiaden,

Quo

APOLLONII FLORENTIS. 13

Quo reuocante, diu pax suspirata reuisat  
 Europam, indigno reddita ab exilio:  
 Cum placidi iungent, posito certamine, Reges  
 In melius versis, fœdera, consilijs.  
 At tibi iam video magni famulantia mundi  
 Sidera felici lumine, quâ properas:  
 Et tumidos molli cliuo subsidere montes,  
 Fluminaq; obsequio currere prona tuo,  
 Iam video ventos impellere vela ferentes,  
 Et seruire sacris puppibus Hippotaden:  
 Neptunumq; Patrem, & Nereidas exultantes  
 Accipere, & toto prouehere vsque mari;  
 Litoreq; exceptum primo deducere gentes,  
 Letitiæ resonis vocibus, innumeras.  
 Parte aliâ increpitat reditum deserta morantem,  
 Teq; diu externis inuidet Ausonia:  
 Et reducẽ hinc summis suspirat ab Alpibus, atq; hinc  
 Expectat Tuscis obuia litoribus.  
 En venit, & terris emensis sospes, & undis,  
 Præpetibus tendit cursibus in Latium:  
 Iamq; viam ad sacras relegens secat impiger arces,  
 Mœnia iam victor FLAVIVS ecce subit.  
 Vrbs effusa repenti ruit, populusq; Patresq;  
 Optato properant pascere amore oculos.

Ardurus

Quo

*Arduus ille sedet, nitidosq̄, aurum inter & ostrum,  
Palladijs crines frondibus implicitus*

*Alta triumphali inuehitur Capitolia pompâ;  
Mox humilis sanctis oscula dat pedibus.  
Interea fremituq̄, hilari, plausuq̄, resultant,  
Et lucent festis compita luminibus.*

*Nec niuei, flauo quos flumine pascit olores  
Agmine nunc Tybris profluus aurifero,  
Nomen ALEXANDRI, & FLAVI, & facta inclyta  
cessant*

*In celum æternis tollere carminibus:  
Sæcla nec æternas voluentia dicere laudes  
Cessabunt, vestris aurea muneribus.*

A D

AVRELIVM MARROCHIVM,  
SCIPIONIS CARD. S. SVSANNÆ  
MEDICVM.

**H**oc tibi me, Aureli, vestrum quoque numen  
Apollo

*Sollicitum iussit mittere epistolium:  
Artis ut auxilio, quam tu meditaris, & unam  
Eximie præstanti excolis ingenio,*

Nascenti